

歐亞風雲錄

第三卷

(非賣品)

71

46

大正三年十月

歐亞風雲錄
第三卷

大日本東亞同文會



3 0474 2534 7

712182
461
3

歐亞風雲錄第三卷目次

論歐亞擾亂日東朝野宜遵守之對華政策……………八

亞細亞方面之部

日英聯軍圍攻青島之進行……………一〇

青島德軍前哨線盡歸我占領……………一二

日本軍隊進攻青島情形……………一四

日本航空機之顯功……………一五

日本海軍圍攻青島之軍情……………一七

日英艦隊協同轟擊德軍炮台……………一八

日本海軍陸戰隊占領勞山港……………一八

目次

一

目次

二

日本圍攻青島陸軍之損失·····	一九
日本攻城軍司令官及部長之任命·····	二〇
青島陷落之兆端已見·····	二一
青島德軍之夜襲·····	二二
青島德軍濫放炮彈·····	二三
青島兵艦及炮台均失聲色·····	二四
航空機空中戰鬪之序幕·····	二五
日本船艦之沈沒·····	二六
日本將校之陣亡·····	二七
停止戰鬪收埋死屍·····	二七
聖恩救回非戰鬪員及中立國人·····	二八
山東鐵路問題陡起輾轉·····	二七

附錄（梁卓如之提議
參政院質問書）

日本軍隊押收山東路鐵	三九
日本海軍占領亞爾特島	三九
日英兵艦擊壞德軍炮台之一部	四〇

歐羅巴方面之部

歐陸戰雲之暗濛	四二
聯合軍追擊德軍於耶斯奴河畔	四三
德軍保守陣地之堅實	四四
德軍對抗聯合軍勢無大逕庭	四五
德國攻法陸軍之陣地	四六
德法諸軍錯雜糾紛之戰鬪	四七
法德方面戰局之固定	四九
德軍攻陷比國安都蓬布	五一

目次

四

俄德方面之戰況·····	五二
俄境戰況不利於埃國·····	五四
俄德兩軍戰機漸熟·····	五六


歐亞風雲錄

卷三

大日本東亞同文會編纂

論歐亞擾亂日東朝野宜遵守之對華政策

語曰爲政以德、譬如北辰居其所、而衆星共之、至哉言也、今余引用此語、以論中日關係、固知比喻失當、不擬於倫、然可移以律我國對華政策、良無有二致也、然則何謂我邦對華之政、曰維持泰東也、何謂我邦對華之德、曰親厚隣誼也、親厚隣誼、維持泰東、有茲德政、而我國行動、遂不能感孚隣國、吾不之信也、大抵今之處理國際關係者、利害以決親疏、得失以定從違、強權得勢、公理湮滅、外德言政、離政言德、非爲權謀者流、掩耳偷鈴之倫、則爲意氣用事、取快一時之類已、過者貽害千古、不及者無裨真際、當茲歐亞亂局、一變世界機運之日、注重亞東遠圖、料理萬世大計、旣不能映輝日東德政、以奠定亞陸大局、又不能取義成仁、以促進友邦信賴、歐戰戡定、繼以紛爭、再現搏噬世界、將欲以何誇揚我國威、標識國是於六合之表哉、夫中國之與日本、實爲兄弟之邦也、花萼駢榮、鵠鶴急難、固能具備其素、所缺者、兩國國際、轆轤頌仍、拮



抗成勢、無論公私如何、居恒缺乏崇敬觀念、遂弗能發顯美滿效果、苟欲兩國朝野、伯璵仲莒、媲美骨肉、相俱確立千歲不磨之邦交、則自互加尊敬發軔、不敬茲無德政、以應國際無窮之變、安有隣誼可觀、間嘗默察中日感情、隔閡齟齬之原因、繇來複雜、難罄其詳、然舉其二三、蓋中國朝野、文化夙達、夷視四隣、雖遭國勢陵夷、天步艱難之際、然衷心尊崇他國、自居下風、非其所能肯爲、信斯言也、中國人士、對待歐美、固靡不然、矧對於東隣日本、觀其國土、海島小國也、觀其國民、強悍難制也、觀其國力、非爲富家翁也、觀其文化、昔多蹈襲中國、今皆取諸歐美、殆非己國所蒸成醞釀也、而觀其對華關係、密邇中國、圖謀強權、種種行動、勢與中國利害、相爲衝突也、中國憂患、紛至迭來、邦本搖動、國基未固、肇興建設、整政張治、恐有待列強扶持、而日本朝野之宣揚國威權執牛耳也、盛氣凌人、雄長自豪、勢激成隣國疑懼、而無所檢束也、好事之徒、攪雜中國、構結事端、交亂治安也、熙攘之倫、鬩茸卑褻、氣度不高也、各屬時流、挾文明美譽、藉強國餘威、橫行中土、而無古道可觀也、有此種種、無論所觀得失維何、日長嫌厭輕忽之情、竟失尊崇親睦之誼、積微累漸、徵結深固、勢至怒目相加、而莫之能防也、翻觀我國對華方面、所有國民性情、社會習俗、家庭倫紀、學問藝術之表裡、言論思想之底蘊、立國精神、對外觀念、修文整武、理財行政、建國肇基等類、皆未能審其原委、悉其大觀、對於

民國前途、泰東時策、仍在求全責備之中、不知不識之間、亦失其敬虔觀念、更兼以國際關係、多故多端、列強撼亂其外、中日虛驚於內、鬼域射影、譎言盈途、於焉兩國思潮、波詭雲譎、漸赴激烈、每逢事端發現、厲氣紛興、水火蕩激、常以意氣觝排、輒長惡感、甚者如破家亡國絕種滅族等論、公然流行華土、杯蛇弓影、寒人心膽、要以兩國朝野、缺乏恭敬思想之故、接物處事、多誤軌道、一旦之間、忽失和親之實、爲中國者、旣無善隣觀念、爲日本者、遽生獨斷思想、推至厥極、則以現時國際行動、免起鶻落、毫無端倪之實狀、濫持引虎入室、抵制隣國之志、肆露狼子野心、攘權牟利之迹、以驅不相信之民、而求不相戾之交、所懼泰東福利、無由護持、中日隱患、萬古難蠲、不必待智者而後知也、今余不敏、竊爲我國計、以爲我國當務之急、始終一轍、內外無二、必也尊崇隣國、親和友邦、隨我國是之所明示、開誠佈公、以昭有隣之政、秉心塞淵、誓期環球各邦、仰我誠意、固不可緩圖也、如其不然、遭遇全歐多事、擁我在東、權力、先威後德、肆行陵暴、盲昧圖強、增人厭忌、究竟不能使中日尊崇信親之觀念、斐然流露於國際、卓爾樹立兩國心印、遽乘隣國朝野反感紛興之勢、猛獅奮起、圖我自便、邁往勇進、爲所欲爲、則歐西諸邦、大亂方酣、時艱日加之不遑拯救、何國力圖調停、後世子孫、孰能蠲除怨仇、嗚呼泰東禍福、中日利病、端在今人好自爲之、洵以堂堂黃種、占領亞陸、懿德秉性、仁

義垂教、治亂興亡、吉凶禍福之機、確有大道可資尋繹、設能淵源道義、一掃區區嫌疑、異體同心、各守畛域、尊重國權、闡明公理、發揚人道、化導文明、以解決兩國陰翳於無事之地、一於敬愛和親之中、講究駢盛共榮之道、則所以親厚中日、維持泰東者、庶幾無背戾悖逆之虞、而雍雍德政、輯和萬邦、發揮彙星環共之美果、可得而期已、夫日東朝野、尊崇中國、中國朝野、親信日東、輔車相倚、唇齒相伏、一切行動、絕不至惹起反感、破壞時策、極力敬慎施與、帶心增進福祉、披雲霧、仰天日、颺風大呼、挽回邦交、此間功德、無邊無疆、永與天地、比厥真正、此誠非強權功利者流、所能洞察其作用也、今則天道與善、際我嘉猷、所有山東問題、可以公正解決、使列強知所矜式也、歐亂一定、我國佐佑列國會議、得有特權、聳動列強、申我國是、莫不有絕好機會也、葵邱五命、萬邦一匡、祇得彰明我信義、高崇我態度、煥焉燦焉、揭曉我對華國是、必先保障泰東固有之領域、永為黃種、維持樂土、以確保我友邦乘暇整政之餘地、則中國朝野、所以自振到治者、綽綽有餘、而我國所以尊親中國、鳴我無罪者、固足取信於世界、此非我有意自居扶持友邦之功、惟我善鄰職分、此為為政以德之第一義耳、夫我西隣友邦、苦於列強壓力、掩抑屈辱、受其凌躐、不知凡幾、前清以來、積弱餘弊、未臻滌除淨盡、蒼海橫流、重疊滔天、而向來我國所以對待中國者、亦恐不能無改善補救之餘地、有則改之、無則戒之、以高尙

我政策、聯結中日、實顯德本主義、以定黃種遠圖、莫便於此時、何以謂之、曰中國朝野、更改國體、成就邦基、內治外交、既有日臻上理之勢、而過渡時代、諸多崎嶇、譬猶春草僅於風霜、而春生夏鬱、確有定局、現值歐洲戰禍、局面廣濶、創痍沈重、自非虛擲許多歲月、斷不能發動其對東威力、則中國安危榮辱之分、繫乎國際者、唯我日本、最爲直接、尤爲切實、故爲日本者、善用我萬鈞重要之地位、斷斷兮表明我正義、依據列強聯盟協約之利器、結合英法、聯絡俄美、必爲泰東、擁護國利民福、若有一二強國、背其誓約者、則與天下共棄之、豈惟我國維持泰東安寧、保障中日隣誼、略無遺憾、即乘歐陸糜爛之餘、確立環球各邦長治久安之道、亦無難爲也、且夫日東朝野、際會歐洲大亂、注重黃種前途、所以尤應撇脫尋常強權牟利主義、極力宣布我德政、促進大同世界者、事理晰晰、原因夥多、不必條分縷析、盡其節目、而後知其真相也、然而向來我國朝野、志專圖強、致富是急、未能一以隣國憂樂、爲我憂樂者、無他、我國維新以來、日懷列強迫處之痛、唯恐國勢民力之陵夷、舉國動奮、整其內政、張其外權、挺身於外壓沈重、西勢沸騰之衝、力圖維持邦家於不敗之地、固非有餘力可惠迪隣國、寧憑陵四隣、受其反感、然不能不爲我自固之計者、斷非我國單獨之咎、而四隣友邦、亦應察知厥故者也、惟夫我國對外政策、實在衛抗歐美、急起直追、振我國威、是以向來種種行動、於驅除強暴外國、擁護黃種金

甌、而非不勤也、於尊重秦東權威、支持同種危局、而非不勞也、確保我國正當地步、防範西勢無窮憂患、未嘗有疏虞也、然此皆屬我國過去之功績、顧視四隣友邦、則畏我強盛之不暇、雖欲和親提携、俱圖屏壘、恐無不北轍而南轅也、今則我國朝野、發憤圖強、支持危局者、幾年於茲、憂患漸去、國力漸振、設有絕大經綸之士、則能率由古道、推廣今法、正心誠意、綏內撫外、煌煌焉發揚曠古無前之不績、決非至難之業、須知我國朝野、達觀環球、兼顧亞陸、確立我親華之大主義、改絃更張、積極進行、餅疊無恥、小大由之、以振發我與國之大方針、風聲所加、偃伏歐美、指導列國、恢宏我王者無敵之政、是豈非我國百年不刊之德業哉、吁嗟乎西勢東漸、列國競爭、弱肉強食、搏噬攘奪之習、固結人心、功利紛興、性靈不仁、發於其政、現於其事、莫非擊排傾軋、剋滅戕賊之端、乃處西力梗塞、外壓銳減、秦東禍福、歸我舉措之秋、更使我國對華政策、所以印證於人心者、仍缺改善維持之實、永懷強權獨盛、而親交有缺、虛譽獨隆、而實政不舉之嘆、則照諸中外心理、唯知我政策難靠、而求去其已甚、無人崇拜我國事功之形骸、而不慮來日憂患、勢所必至、矧中日遠圖、早晚有待大定之一日、既屬確乎不動之勢、乃以歐陸風雲、震盪寰宇之故、又復發生山東問題、衆心懷疑、嫌疑日加、侵權問題也、略土問題也、違反中立問題也、常在荆天棘地之中、一一激刺兩國感情、甚者以我驅除秦東禍根、奪還中國失土之義舉、而

鷄犬虛驚、官民狼狽、爭執柴火乾餼之微、誣我秋毫無犯之師、竟不能宣我德意、施諸有政、日勉強正義公道之途、而施施聲音容色、遠人於千里之外、明明銷磨中日和親之觀念、背戾往舉爲政之氣象、機微不戒、影響淺濕、獨使秦東無二之友邦、奮袂向隅、甘居自毀焉、雖謂誤解之所致、蓋反於其智乎、夫中日親疏、秦東安危、孰持權衡、孰任開闢、洵以東海三島、保全天佑、威宣世界、權振環球、聲望實力、維持亞陸、無有不逮、而處千歲罕覩之好時機、仍使我國策、陷於冒昧豬突之陋習、不敢體察人道美點、發揮爲政要道、乃我所以顯揚國是、綏服列強、煥發我盛德大業、闡明我真正文明、成就我偉大國家、裕如我後世子孫者、轉爲時俗所破壞、僅知振威強權、陸梁跋扈、可以開拓國運、而不悟德政仁治、更有大作用、際會歐亞擾亂、世界未曾有之形勢、無人奠定虜虢遠圖、綏靖亞陸山河、一切行動、無論進退趨舍、出入行藏如何、徒貽口實、長人猜忌、兄弟鬩牆、長誤世運開闢之機、自隕大國民名譽、阻碍秦東美滿之發達、吾所謂親厚中日、維持秦東、完成吾有德之政於方來、樹立亞陸大計乎無窮、遂無指望、何爲小用我國威之甚也、子曰克己復禮、天下歸仁焉、今之關與秦東時務者、洞察政德相倚之故、撇脫富強自雄之見、尊重鄰國、扶持睦誼、舉措應付、必用其至善、增進我利權、而不至枝求、苟有政策、可以裨益友邦、則竭盡摯誠、要以聖神功化之至意、標明我國對華之方針、必於尊敬和親

之中、宣布國是、勿外道念而求善政、勿執陋見而衍偉業、遵率公道、力圖善隣、誕敷鴻猷、一掃皆翳、以贊泰東無前之盛運、則我國德政之隆、何啻爭光於日月乎哉。

亞細亞方面之部

日英聯軍圍攻青島之進行

竊我日本、建邦泰東、遽遭歐亂竊發、聯絡英國、對德宣戰、顛覆其在東勢力、夫英者西海之國也、我則東海之國也、地之相距、不知幾萬里、乃以同盟關係之故、兩國豺豕、相携輝耀威武於世界、靖共於泰東和局、推厥原委、我國行動、一以煥發正義、芟除禍根、視爲帝國寶筏、際茲戰雲瀰漫於歐亞、東西文明、將發現一大旋轉之日、慨然一掃強暴外權、隱然支配泰東治忽之運命、則我國對德宣戰、雖出自同盟關係、然於東西局勢之變遷、豈可謂爲小效哉、查日本軍隊、進擊青島、已於九月二日、從山東龍口登陸、冒豪雨蹈泥濘、刻苦跋涉、十二日占領即墨、十三日占領膠州、迫壓青島背後、攔阻德軍通路、與海軍封鎖艦隊、水陸相待、圍攻青島、崩角受降、大勢已定矣、先是日本海軍第二艦隊、業經掩護龍口登陸軍、後更派艦隊、犯險掃海、我軍乃在勞山灣、實行第二次登陸、據陸軍報告云、帝國陸軍、與海軍協力、九月十八日清晨、於山東半島南岸勞山灣附近、從新開始登陸、又據海軍報告云、負有掩護陸軍登陸任務之我海軍陸戰隊、由上村翁助少將屬下第二艦隊之一部掩護、十八日清晨、在山東半島南岸勞山灣內某地點登陸、由是

推之、我軍進攻青島、一從龍口、一從勞山、腹背合擊、不遺寸隙、略可窺一斑也、嗣至九月二十三日、英國陸軍少將巴那基斯頓、統率英兵九百餘人、及印兵數百人、爲參加我軍攻擊青島起見、均在勞山灣附近、開始上陸、傍晚事畢、拔隊啓行、直與我軍聯結、該英軍、實係英國駐津守備隊、巴將軍爲之司令官、曾在本年五月間、來華履任、統管英國北支軍務、此外英國斯金那騎兵隊那克斯大尉、亦來會參戰、於是日英兩軍、遵奉同盟協約、提携從戎、遂出現開關未開之聯合軍矣、至我勞山登陸部隊、與即墨方面之我龍口登陸部隊、確實聯絡、着着攻敵、兵力雄厚、聲威頓加、以百戰磨練之精銳、進勦固守一片孤城之德軍、如軍務利鈍、固不須過問、然使我有名譽之軍隊、活動於歐亞聯合之舞台、播揚我真價者、實因日英兩國、攻守提携、乘機貫徹兩國絕大圖是、則聯軍樹勳、彪炳偉績、焉得不特書而大書、以爲麟閣繡像銅柱紀功之廣乎、茲將我日本圍攻青島軍陸軍司令官及幕僚各官、照登於左。

軍司令官

第十八師團長

陸軍中將

神尾光臣

參謀長

陸軍少將

山梨半造

甲旅團長

陸軍少將

山田良水

乙旅團長

陸軍少將

堀內文次郎

青島德軍前哨線盡歸我占領

日本圍攻青島陸軍、兩路前進、屢屢迫敵、營猶探物於囊中、德國孤軍、落日重圍、進退失據、能保幾日餘命哉、吁嗟德國政府、煽強自好、勢不能自覺其在東運命、振其蟲臂鼠肝、以抗我軍、僅恃要塞砲壘之堅牢、坐受大敵、以待開城投降之一日、青島窮狀、可憫孰甚、初我龍口登陸軍、業經占領膠州、未幾挾白沙河、炮擊德軍前哨、白沙河係隔斷德國租界之水流也、其後我勞山灣登陸軍、亦占領王家莊高地綫、擊破柳樹台敵兵、嗣在王家地方、擊破德軍之逆襲、九月二十四日、德軍前哨、盡歸我掌握、茲據陸軍報告、將最近戰況、彙集登錄、以明經過。

一佔領王家莊 九月十八日、勞山灣登陸部隊、占領王家莊（即墨東方約六日里）西南之山嶺、據堅牢防禦物件、擊攻持有機關銃之敵兵、日沒時、遂擊退之、敵兵遺棄子彈軍帽革帶眼鏡天幕器具寢台各物、倉皇退卻、我軍毫無死傷。

一占領柳樹台 十九日勞山灣登陸部隊、再次進擊柳樹台、柳樹台、距王家莊、約二日里、位在青島東北約六日里之地、德軍據守該處附近之丘山、狙擊我軍、傷卒二名、然不能力抵我軍進擊、終遺棄子彈糧食、鼠竄而去。

一擊退敵兵於北家附近。我圍攻軍、照預定行動、將次進行、既派一小部隊、占領北家地方、(王哥庄西南約四日里半)不料至二十三日、德軍派兵三百餘人、携帶機關銃、轟然逆襲我占領北家部隊、我軍迎頭逆擊、大破之、是役我軍陣亡卒一名、另有特務曹長一名卒三名、均負傷、敵兵死傷、爲數匪尠、但未盡其詳。

一押收山東鐵路火車。我軍騎兵一隊、於十七日清晨、占領膠州車站、此日午前八時、押收西方駛來之一火車、車內有自命山東鐵路總裁之一德人、乃不許其下車、即行監禁。

一白沙河河岸之戰鬪。我軍騎兵隊、於十八日、向白沙河右岸流亭附近前進、自午前十一時三十分起、約有一小時之久、與對岸狗塔埠附近之敵兵交綏、我軍中隊長騎兵大尉佐久間善次、不幸陣亡、卒二名負傷、敵軍死傷不下十名、是役我軍偵察敵情、收有顯功、白沙河左岸敵狀、纖細不遺、狗塔埠附近、有德軍步騎兵約二百人、具備炮數尊等各情、盡經確知云。

日本軍隊進攻青島情形

德國陸軍、固守孤壘、對抗日軍、我軍諸路駢進、九月二十四日、擊攘敵軍前哨線、二十六日、進迫德軍白沙河左岸第一前陣、痛加勦擊、二十七日、進擊李村河左岸、奪敵軍第二陣地、二十

八日、長驅奪取巫山浮山第三前陣、連續驅逐德兵、窮追諸海泊河左岸、與著名伊爾基斯、比斯麥克、毛奇諸壘、相爲敵抗、於是德軍前進防禦陣地、咸歸我掌握、從此漸入激烈要塞戰鬥之範圍、而青島運命、漸迫岌岌矣、據報告云、我軍於九月二十六日、向女姑山石門山（流亭東南約一日里半）九水廟（柳樹臺西南約一日里）前進、自午後三時起、攻擊樓山後面高地、以及黑見王家龍口（北家南方約一日里）一帶之敵兵、至下午六時半、頻擊破黑見龍口各處、入夜連續擊攻樓山、我軍死傷、除陸軍步兵中尉池部末尾及卒二名陣亡外、負傷計有十一人、是役德國砲艦、由海上轟擊我軍右側、夜則放射探海燈、照灼我軍、阻碍行動、又據續報云、我軍於二十七日黎明時、擊退樓山後方高地之敵、更進占領李村河口、李村南方高地、及金家嶺（嶺在浮山東北距李村東南約一日里半）一帶陣地、屢屢逼壓敵軍於青島後方約二日里之處、是役有德艦三隻、由海面轟擊我軍右側、妨害甚努、我軍即飛航空機二隻、投下爆彈、敵艦異常周章、亂射機關銃及其他鎗炮、以致我航空機、一受銃炮彈數枚、一受鎗彈十數枚、然搭乘人員及機體、均慶無事、又據續報云、我軍自二十七日起、至二十八日拂曉、繼續擊攻孤山浮山一帶敵陣、海陸德軍、燃放巨炮、兩面防戰、極其激烈、第我軍於預定晷刻以前即午前十時至正午之間、占領該陣地、敵軍率其大部隊、向青島方面退却、大約奔至海泊河左岸停軍、是役又有德國巡洋艦耶里撒

別斯號、及炮艦驅逐艦各一隻、極力轟擊我軍側背兩面、海陸抗敵、頗爲得力、我軍冒犯猛火、進攻堅壘、犧牲將校以下百五十人、縱橫衝突、攻陷敵陣、捕獲將校士卒五十餘人、此外機關砲四尊及軍需各物、歸我占有者甚多、至德軍死傷、未能悉其詳數、要塞戰事之激烈、於是乎可推而知也、是役堀內少將屬下之部隊、迅速佔領浮山及其西方高地、因之德軍防備、忽生破綻、我軍進擊、卓著顯功、又野戰重砲兵第三聯隊、舉其全部、參加戰鬥、大發揮我軍重砲威力、殊如在滄口(李村西方約五基羅)附近、與敵艦對戰之第六中隊、奮勇牽制敵艦、使我軍擊敵行動、易於猛進、厥功極爲偉大、加之我國海軍各艦、開仗伊始、激烈轟擊伊爾基斯炮臺、海陸相待、助其猛威、一舉顛越德軍堅塞、以進迫青島本防禦綫、我軍行百里者、已半九十里矣、

日本航空機之顯功

我軍進攻青島、更有一事待特筆者焉、即我航空機隊之活動是也、曩者我軍機隊、已在龍口登陸、航空數次、然後邁進即墨附近、屢在白沙河沿岸李村河左岸、偵察敵狀、以促進我軍務、一旦戰機已熟、兩軍交綏、即由我航空機、或脅迫敵陣、或報告敵情、種種行動、異常靈敏、奏功尤爲顯著、據九月二十五日報告云、我軍航空機、從龍口起、航空躍進、經平度即墨各地、自二十一

日起，連日騰空，或八百米當，或一千二百米突不等，大約翱翔白沙河左岸一帶空中，俯瞰敵情，確實查明敵軍第一前進陣地線上之防禦工程及其配備情形，二十四日，我軍一機，偵察北家附近敵狀，敵軍炮兵、仰天亂射炮鎗，機翼受小鎗彈，計有七枚之多，又據九月二十七日報告云，二十五日清晨，我軍航空機二隻，相携偵察李村河附近之高地，當時敵軍布陣於海泊河左岸，炮擊我航空機，計有五十餘次之多，然不能稍加損害，二十六日清晨，我軍再放一機，偵察李村河左岸，別放一機，耑對敵軍航空機，特行防阻，當時敵軍步炮各兵，亂射甚努，亦無微效，此日下午，我軍正在酣戰之際，再使一航空機翱翔敵軍頭上，縱橫偵察敵狀，將其詳狀，描寫於報告板上，隨得投下諸軍中，我軍察知敵軍動靜，瞭如指掌，實爲航空機隊之賜也。

日本海軍圍攻青島之軍情

日本海陸諸軍、進攻青島，據海軍報告稱，我軍第二艦隊，自八月二十七日迫壓膠州灣宣言封鎖以來，用艦隊主力，控制黃海洋面，掩護陸軍海上輸送，自九月二日起，至十五日止，特派上村艦隊，協力於旅順派遣隊，擁護我陸軍，以幫助山東登陸動作，此間使線內岡田兩司令官，督率膠州灣前面海戰部隊，嚴重從事封鎖，並飭掃海隊，掃除我軍從新登陸之航路，均皆盡其任務，山東南岸航

路、亦經安全開通、即於十八日、由上村艦隊、掩護海軍陸戰隊、俾其驅逐陸上敵兵、占領軍務要地、以便陸軍部隊之登陸、對於源源續來之輸送船隊、敏捷竭盡艦隊任務、以致我圍攻青島各軍、秩秩航往戰場、發揚威武、幸獲航海上陸、均慶無事者、未必不職由海軍各隊奮勵任事之力也、蓋我國海軍、一面封鎖海上、一面保護航路、屢犯烈風豪雨、排解萬難、由各屬艦艇、分別從事要務、種種出力、更僕難數、所可畏者、戰端已啓、德軍在青島海洋、沈埋水雷、阻我行動、不知凡幾、萬分險象、最要注意、剋陸上敵壘、轟擊艦艇、壓力橫加、妨害甚急、例而言之、如水雷艇陽炎號、曾在望見敵軍浮沈機雷之際、爲灰泉角敵炮所猛擊、進航甚難、乃擬下端艇、處置機雷、適有該艇三等兵曹石九靜夫、一等水兵清家英武柴垣定吉等三人、技長游泳、均躍身海中、隨波浮沈、泗達機雷、登時結絆曳索、裝置葯管、以行炸裂、以獲我艇坐免危險、敵軍水雷、幸經剷除、三勇士以功均受不次之賞、而艦艇危險、則可推全豹也、嗣後我掃海隊、自九月二十四日起、逾越腰島岬、進抵勞山口、從事掃海、二十九日、更進掃除董家灣洋面、此間德軍炮壘、燃放炮火、一彈命中我掃海船、碎其艙部、傷卒二人、然我艦行動、節節中機、在在發見多數機雷、設法歸諸无效、至於我軍航空機、頗有成功可觀者焉、九月十六日、山田大崎兩大尉等、飛騰一機、偵察敵港、並向德軍艦艇無線電局發電廠等處、投下爆彈、內有一彈、確實命中德國一

大汽艇、滾滾燦爛、由艇上昇騰、此日和田武部兩大尉、亦乘他機、飛翔港上、瞰察敵狀、二十一日、和田大尉藤瀬中尉等、同乘一機、投擲爆彈、內有二彈、命中青島工廠塙頭之防材、二十二日、山田飯倉兩中尉等、同乘一機、投擲爆彈、內有一枚、命中比斯麥克兵營之東角部、二十四日、和田武部、及山田大崎等四人、分乘二機、飛翔青島港上、偵察敵狀、並向驅逐艦砲臺兵營無線電局等處、投擲爆彈、均有效驗、此日金子少佐藤瀬中尉二人、亦同乘一機、飛行大公島一帶海上、透視水雷、能達其目的、二十七日金子少佐和田大尉花島機關大尉、及大崎藤瀬兩中尉、並武部板倉兩中尉等、分乘三機、續行各屬有益之瞰察、並對於敵軍重要機關、猛加攻擊、德軍望見我航空機、每次燃放鎗炮、猛烈轟擊、所幸敵軍炮彈、常在航空機附近之空中炸裂、未嘗稍受損傷、卒之、我軍圍攻青島、海陸諸軍、一律封鎖其腹背、加以航空機、遞次遊行空中、俯瞰軍情、投下炸彈、破壞軍用物件、不但敵國船艦、不能逸出雷池一步之外、且見青島軍民、日夜受我軍威壓、坐待戰敗壘陷、德國在東根據地點、忽爾破裂之一日、敵人愁慘悽切之情、真不難同情、詩云誰生厲階、於今爲梗、德國政府之謂也。

日英艦隊協同轟擊德軍砲臺

日本第二艦隊、爲試驗敵軍炮臺之威力、並援助我陸軍前進起見、於二十八日、砲擊膠州灣方面、據報告云、我軍第二戰隊之一部、聯合英艦一隻、從大公島北方、進迫陸地、將伊爾基斯及灰泉角炮臺、定爲主要目標、猛加轟擊、前者寂然不應、後者燃放大口徑炮一尊、中口徑炮三尊、以行應戰、我艦毫無毀害、毛奇砲壘、亦燃放大口徑榴彈、然無一能達我艦艇者、至我軍炮擊之效果、無絲確知、唯據側面觀測云、我軍炮擊、概屬良好、就中一彈落下於比斯麥克炮臺信號所中間、一彈命中某洋館、此外伊爾基斯方面、破壞德軍塹壕者、其功尤爲顯著云。

日本海軍陸戰隊占領勞山港

日本海軍第四戰隊、九月二十八日、帶同炮艦水雷艇數隻、進抵勞山灣外、即派陸戰隊登岸、確實占領該港、鹵獲德軍所遺棄之克式野炮四尊、砲車四輛、及子彈一百顆、是日下午第四戰隊、又復於浮山西方、砲擊德軍、唯未知效驗維何云。

日本圍攻青島陸軍之損失

日本陸軍、業已奪取敵軍前進陣地、迫近海泊河左岸、九月二十八日之役後、敵軍艦艇伊爾基斯

海泊河左岸之諸炮臺等處、仍轟擊我軍、晝夜略無間斷、並飛揚繫留氣球、以窺我軍情、三十日午時、有敵軍驅逐艦一隻、於大港洋面、忽經沈沒、先是二十八日戰時、我軍陸軍步兵大尉佐藤嘉平次、陸軍步兵中尉岡千太郎二人、均在浮山附近陣亡、聞佐藤大尉、當我軍擊攻孤山浮山間敵陣之際、擔任特別任務、挺身於中隊前鋒、冒敵軍炮火、頻負數創而不屈、邁往勇進、遂占領敵陣、忽爲爆彈所擊斃、岡中尉亦於二十八日、追近浮山陣地、與佐藤中隊長、聯袂前進、鼓舞士氣、因中隊長遠致陣亡、親指揮中隊、力戰健鬪、遂爲銃創及爆彈所擊斃、如二將校者、可謂桓桓武夫、不辱軍人名譽者也。

日本攻城軍司令官及部長之任命

青島圍攻軍軍令官參謀長旅團長等幹部氏名、曾誌前報、茲悉日軍行動、將次進行、業經掃蕩敵軍前進陣地、各處德軍、退保防禦本線、據守堅牢炮壘、從此以往、青島戰務、漸入攻城戰圍之範圍、故於十月一日、特將獨立司令官及各部長、從新發表、如左。

攻城砲兵司令官

陸軍少將

渡邊岩之助

兵站部長

陸軍步兵大佐

高柳保太郎

碓泊場司令官

陸軍步兵中佐

堀內龍明

同 上

輜重兵少佐

寺田武

重炮兵第三聯隊長

陸軍砲兵中佐

土井源市

按日本陸軍、率我有力軍隊、擊攻孤立無援之德軍、是以青島軍務、與別處戰局、全然獨立、毫無直接關係、固無須濫殺將卒、多費犧牲、咄嗟力爭一城、立決輸贏、故舉一切攻城辦法、擇善從之、隨宜施之、唯我所欲爲、矧青島德軍、既非精兵銳卒、誓死固守城壘、例如義勇軍隊、臨時召募、備員防戰、故使青島砲壘、尙不至破壞、則德軍將卒、困守要塞、抵抗我軍、以維持德國名譽、彼猶人也、倘遭德軍堅壘、次第壞敗、戰況漸形不利、則德軍勢威、俄然歸於銷磨、全城投降、以圖苟免、可得斷言已、是故我軍圍攻青島、要在應用最新攻城戰術、着着制敵軍死命、不必需用強襲戰術、多損紕繇也、今觀我軍新任司令官並其部長等員、曰攻城砲兵司令官、曰重砲兵聯隊長、其注重於砲擊、固不難一望而知、蓋我軍猛行砲擊、粉碎敵壘、施用正攻法、迫近敵壘、乘山河震盪乾坤滅裂之勢、驅其精銳步兵、相機強襲、奮然突擊、坐使德軍將卒、無繇防戰、則如伊爾基斯比斯麥克毛奇諸壘、雖以堅牢無比、然無益維持青島運命、昭昭若揭、吾觀我軍任命攻城要員、而知青島陷落、蓋不在遠也。

青島陷落之兆端已見

比來日本圍攻青島軍隊、頻奪敵陣、占領浮山孤山一帶高地、肉薄德軍防禦之本線、華華焉預備攻城戰事、其能一舉攻陷青島、可企足而待也、唯我軍、業已從事攻城戰事、例如種種工程設備、盡皆冒險實施、排難籌畫、未知煞費幾何心力、此間青島德軍、屢行夜襲、防碍我軍務、兩軍各放航空機、互行偵察、有時發現兩國航空機、追逐於空中之奇觀、如此者多日、嗣值我國對於德國要塞內中立國人及非戰鬥員、實行退出手續、益知戰機漸有進境矣、當是時、德軍方面、亦在海泊河左岸、極力施設禦防工事、並逆襲我軍、亦皆爲我軍所擊退、所有兀家庄浮山附近之敵兵、退保仲家凹站山一帶地點、敵艦炮力、忽爾減退、僅有毛奇炮臺、仍行猛擊、至於伊爾基斯、灰泉角、愛夫、伊右諸炮臺、可以擊射海面、而不可以轟擊我陸軍、我軍一俟攻城軍務、略有把握、一氣突擊、攻陷敵壘、固在指顧之間也。

青島德軍之夜襲

十月二日下午九點半鐘時、德國步兵約三百五十人、攜帶機關銃五尊、前駐津德軍隊長克羅中佐統

率之、乘夜襲擊我右翼隊正面之小哨、先是我軍鑑於敵軍動靜、預備機關銃二尊、參加小哨、靜候敵軍之進迫、敵軍不察、暗中突進、猛攻我軍、我軍乃集中猛火、下午十點半鐘、盡數擊退敵兵、敵兵遺棄將校死屍一具卒四十七具而去、我軍死傷、戰死五、負傷八、捕獲敵兵六人。

青島德軍濫放砲彈

十月五日報告云、德軍海陸兩面、續行炮擊、仍無間斷、每日發射砲彈、不下千數百顆、據軍事專門家之觀測、謂德軍困守青島、子彈軍餉、全缺補給之途、類如貴重砲彈、爲德人者、宜如何愛惜珍重、以備不時之用、乃濫射巨炮、浪費子彈、如斯其多、此不可以常理律之者也、想德人預知青島運命、朝不測夕、士氣銷沈、軍無戰志、已達極點、亦自顧惜德國名譽、預消盡其子彈、一旦我軍、相機猛進、防禦無術、則欲藉口於子彈之缺乏、公然投降、以掩其無故投降之罪而已、否則以德人智略、豈有濫費貴重砲彈、而不知愛惜之之理乎、並據經綸家之說云、青島要塞、多由駐華德國豫備後備軍人、急遽從事守備、此輩多用商務、爲其職業、明知青島要塞、一遭我軍猛攻、萬難維持、且謂我僑死守青島、多損人命、以支持三五日之餘命、願視德國全隸軍務、青島存廢之無裨大局、不啻駢拇贅疣、與其從事無益之戰鬪、敢枕危城、犧牲身命、不如迅速投降、

保其性命、樂其妻孥、已亦從事戰後職務、各爲祖國、圖謀發展、以報效國家、而滿足民意、想青島一部軍心、確有此觀念、則使百千孫吳、統率今日青島德軍、然其不能鼓舞軍心也彰彰矣、何物無識者流、對於德國青島軍務、妄信虛譽、不知青島運命、早決於我國對德宣戰之一刹那、舉凡一代言論界、彷徨迷路、仍疑青島難拔、對於我軍攻陷青島之根本觀念、未有發現何等雄大思想、以開拓亞陸運命之前途、吾曹對於泰東時論、固不能無失望之感、然觀於德人濫放炮彈之跡、窺知全城解甲之不在遠也、或曰德國軍械子彈、異常精巧、德人秘而不示、現值青島陷落、投降在速、深恐精巧炮彈、被我軍撿舉、故舉城中炮彈、盡數燃放、以保軍器之秘密、要亦不過爲投降準備之一端云。

青島兵艦及炮台均失聲色

日本海陸兩軍、次第進攻青島、奏功顯著、唯見青島兵艦炮臺、均歸凋衰、德軍威力、維持甚難、茲將最近戰報、彙錄於左。

十月四日午前十時半、有我軍重砲兵隊之一部、靜候德國炮艦意爾基斯號之迫近、轟然痛擊、確有四彈、命中艦體、該艦見勢不佳、倉皇、遁逃而去、德軍濫放炮彈、晝夜仍無有間斷也。

十月七日、報告云、綜覽諸種情報、除敵艦哥爾謨蘭外、砲艦二隻、亦似業經沈沒、自月之三日起、踪跡杳然、不知其所在云。

十月九日、有德國砲艦及驅逐艦各一隻、對於我軍在於四方北部從事工程之部隊、燃炮轟擊、我軍即飭重砲隊、痛加烈擊、退諸射程以外云。

十月十日午前十一時、我軍第二戰隊屬下之二艦、以掃海隊爲先驅、進出於麥島東方之海面、猛擊伊爾基斯砲臺、彼時伊爾基斯砲臺、方在烈擊我陸軍之際、被我兵艦奮擊、俄然鎮默、不復行砲擊、當時灰泉角砲臺、亦開砲挑戰、以試妨害、然不能稍微損害我軍云。

航空機空中戰鬪之序幕

操縱航空氣、實顯空中戰鬪、飛龍盤空、巨鷲相搏、固屬今人意中之快現象也、唯現時航行機之程度、惜未能滿足斯希望、然此次日德航空機、角逐盤旋於青島空中、視爲異時發現空中戰鬪之序幕、固無不可也、據報告云、十月二日、有敵軍一航空機、飛來勞山灣附近、對於我特務船、拋擲爆彈者二次、我軍和田大尉武部中尉等二人、同乘一機、驅逐敵機、進到青島港上、遽爾發見德軍繫留氣球、即拋擲爆彈數枚而歸、翌三日並五日、我航空機、在乎青島空中、偵察敵情、

投下燬彈、六日下午日英二艦、協同痛擊伊爾基斯山及小湛山炮臺、越七日、有敵軍氣球、飛揚於伊爾基斯山上、唯該氣球、未知何因、遽失其繫索、向東北空中飛騰、時際日暮、須臾天色溟溟、球影湮晦於遙空、杳如黃鶴、十日清晨、我軍掃海隊、在於董家灣、爲敵機襲擊、山田大尉大崎兩中尉等三人、連乘一機、飛翔於青島港上、處處投彈而歸、本晨又有一敵機、飛翔於張村河李村河方面、多行投彈、我軍毫無損害、十一十二兩日、我航空機、悉數威壓敵軍、凡此兩日間、敵軍飛機、無一試飛翔者、至十三日、又有一敵機、再次飛來張村河上、我軍即飛三機、交向敵機突進、以實顯空中戰鬥之端緒、敵機望見我軍飛機、連翩航空、強行襲擊之情狀、急遽騰升三千餘米當之高空、更轉機首、向青島密雲中駭飛、失其行跡、我軍竟不能達擊摧敵機之目的、然將矣發現空中大戰、此舉實爲之階梯、可得斷言也。

日本船艦之沈沒

日本特務艦若宮丸、及掃海船第三長門丸等、九月三十日上午、在勞山港外、誤觸敵軍機械水雷、前者損壞艙部、殞命一人傷六人、後者轟然沈沒、殞命三人、負傷十三人、海軍大尉江原收治、海軍上等兵曹高江助十郎等、皆負微傷、十月一日、又有掃海船弘養丸輪船、均在勞山港外、爲

敵軍機械水雷所觸擊、登時沈沒、除海軍上等兵曹牛島丹次海軍上等機關兵曹兒玉武市外、失卒四人、並傷五人。

日本將校之陣亡

圍攻要塞、制其死命、屬至難戰事、將卒傷亡、覆滅相繼、多費犧牲、而後始能達其目的、故以有方軍隊、固守堅塞、則環而攻之者、多受損害、勢在不免之列、茲彙集十月二日以降報告、我圍攻青島軍將校、犧牲身命、殉於軍務者、如左。

津田步兵中尉、於九月二十六日黑見附近戰役時、挺身指揮麾下、勇敢戰鬥、以鼓舞士氣、我軍奮戰、占領敵陣、與有方焉、不幸敵彈、穿其右肩、及腹部、負傷甚重、至二十八日殞命。

步兵中尉玉崎英雄、於九月二十一日、充為將校斥候、偵察東小水及黑見附近敵情、俄與多數敵兵衝撞、奮勇抗敵、遂失其消息、越二十九日、我軍占領黑見、始知中尉與部下二名、在該處敵陣中陣亡、其健戰苦圖、可想而知也。

步兵中尉尾藤讓一、於十月二日、冒犯猛火、偵察大密敵情、砲彈擊碎頭胸諸部、忽爾殞命、初、中尉、於九月一日、充為將校斥候、奮進柳樹臺、率先占領該處高地、每戰以勇敢有顯、不幸殞

命鋒鏑、何堪痛恨。

陸軍砲兵中尉淺尾常次郎及通譯淺野某、於十月九日、在乎執行某任務之際、不幸中敵彈、均經殞命云。

停止戰鬪收埋死屍

日德兩軍、連續攻戰、雖未發現最激烈之衝撞、然兩軍死傷、爲數不尠、如其身死敵手、幽魂無所適歸、死屍暴露、掩埋無法之類、尤應停止戰鬪、了其殞殮也、德國青島總督、有鑒於此、曾於十月四日、拍發無線電信、要求我軍、本於千九百六年七月六日所定之國際條約、將青島陣亡負傷及俘虜總數並其姓名、一一通告、並聲明德國軍隊、殞殮我軍陣亡兵卒三員等事、於是我軍聽容德國總督之要求、自十二日下午一點鐘起、至三點鐘止、停止彼我砲擊、收拾德軍死屍、暴露於我軍陣前、未能行處理者二十二具、鄭重葬埋、以符人道、而慰幽靈云。

聖恩救回非戰鬪員及中立國人

據十月十三日報告云、我 大元帥陛下、深仁厚澤、恩及敵人、特別諭達青島攻城軍指揮官陸

軍中將神尾光臣、並青島封鎖艦隊司令長官海軍中將加藤定吉、傳旨於青島非戰鬥員、俾其
避免兵火慘害、神尾陸軍中將加藤海軍中將等、恭奉諭旨、十月十二日、擬派軍使、傳達
聖意、惟青島總督、關於此事、與我施用無綫電信、以資通信、乃聽其所望、俾其確實受電、
略謂青島總督閣下、下名等、方閣下有名譽之守城、榮荷通達 大日本皇帝陛下至仁至慈之聖
旨、使現任青島之交戰國非戰鬥員及中立國人、獲避難攻城戰事之損害、閣下若有意奉戴
聖旨、一俟接到回答、將其詳細辦法、雷行通告等語、青島總督、既已接收電報、異常感激、即
擬將非戰鬥員及中立國人救回、即期十月十三日上午十點鐘、由彼我兩面、均派軍使、相會於東
吳家村、協定救回節目、因之美國領事、及其華隨員、並德國婦女小兒若干人、由日德兩面、在
乎膠州灣東南方塔埠頭、互行授受、火車護送濟南、美領事等、已脫虎口、此後前往北京地方、
但關青島軍務及敵情、則守緘口義務、不敢談其內容云。

山東鐵路問題陡起轉轍

自日本陸軍龍口登岸以來、中國一部論者、激烈反抗、暗潮急切、氣銳之士、疇衡時艱、大有破壞
中日邦交而不辭之概焉、未幾中國政府、進據日俄戰時之例、劃定山東交戰區域、以供日英德諸

軍不得已之行用、雖謂物情民論、聳聳聒耳、然日德戰事、着着進行、泰東大局、漸免危險、迅克復平和之機、略有希望、吾曹注意於中日邦交者、竊欣兩國當路、洞察大局、處事不失機宜也、深且切矣、惟夫德國山東鐵路、延長於交戰地域以外、仍歸德國經營、則爲日本政府者、當茲破壞德國在東禍根之日、不能舉該鐵路、置諸不問之列、故隨戰局之進行、照其豫定計畫、於九月二十六日派龍口登陸軍之一部、管理濰縣車站、於是中日意見、又缺一致、蓋中國方面、視山東鐵路、以爲日德繫爭以外之物件、並以濰縣、爲交戰區域以外之地方、迄聞知我軍進兵於該處、朝野震怒、即飭外交部、於二十六日、提起抗議於駐燕日本日置公使、並電示駐日陸公使、直接交涉日本政府、至二十八日、日置公使、接准日本政府訓電、往訪外交部、以非公式方法、交涉中國、大要根據軍務事宜、以表示日本政府、戰時暫管魯路之方針、然此事與中國素志、全然背反、且山東地方、中國軍隊、存在充滿、若逢日本軍隊、進入內地、不但中國中立、有破壞之虞、且兩軍衝突、尤應懸念、爲此起見、二十九日、中國當道、召集總統府會議、籌商應付、再向日本公使、提出第二次抗議、要求尊重中立、撤回軍隊、彼時民國輿論、異常沸騰、除二三穩健論者外、多持強硬態度、其勢不辭決裂、中日邦交、遽形險象、嗣至十月二日、日本政府、將押收魯路通牒、送致中國政府、具陳理由四條、茲據外間所傳、(一)膠濟本支鐵路、事實上屬德政府產業、(二)中國政

府、維持中立、實則該鐵路、輸送境兵於青島、而無阻止之實、(三)中國政府、宣布中立之後、使用該路、輸送糧食武器、各等事實、無絲掩飾、(四)日本政府、爲軍務起見、以交戰時管理魯路、認爲必需手段、聞日本政府、說明日軍占領魯路之理由、大都如此、蓋此事屬日德宣戰當然之結果、故駐燕各國公使等、對於日本行動、鎮靜旁觀、不敢暗施干涉、德國公使、多方運動、亦竟歸無效、此爲宜注意之現象也、當時日本政府、一面將押收魯路事宜、通牒中國、一面飭令據守濰縣車站之軍隊、即時前進、於十月三日、由先登部隊、入于濟南、即將車站及運轉材料、盡數押收、於是我軍行動、益招中國猜疑、物情騷擾、激論四起、例如進步黨、召集黨員、特行議決、曰侵犯中國中立者、無論其爲何國、斷然反對、又如山東同鄉會、根據美教師誣告、列舉日本軍行動、謂山東人民、不能忍受日軍亡狀、寧執戈相見、亦非所辭、各省有力將軍等、亦皆爭欲背城借一、與我軍決戰、遂呈稟大總統、仰其裁決、公車上書、恐無此激越悲痛之概也、先是參政院、於十月二日、特變更日程、首由梁任公提議、質問政府、蔡錫鄜鎔諸君、相繼慷慨建議、誓期犧牲身命、以解決中日問題、至中國報館無數言論、筆鋒挾霜、辭氣貫日、兩國邦交、尤有岌岌可危之勢、茲將梁君啓超之提議、並參政院質問書、一并登載、以示當時中國朝野、對日感情之一斑、至於事實之當否、議論之曲直、固有水落石出之一日、吾曹不敢贊一辭也。

梁卓如之提議。略謂自歐洲戰事發生我國外交上經過情形大總統曾召集本院同人到府報告一次當時對於大總統所報告固尙有不甚滿意之處而以中國現在之地位之時局政府措施若此已覺不易故同人對於大總統所報告亦認爲相對的同意日來據各方面經過情形與前大異覺從前所報告皆無確實之保證來日方長距前廿日情事已一變若此則未來者尙復何堪設想至政府外交方面固有種種秘密不能全分宣布而本院既代行立法院即爲代表國民現在全國人民對於此次事變既已非常憤激本院即不能不代表國民將國民懷疑之點及希望政府進行情形提出疑義於政府請求大總統咨覆據本席觀之應質問之點甚多茲擇其最要者畧說明之從前外交部最初通告將戰爭區域劃定外交部通告有三次最初宣布完全中立已而日兵登陸不得已而展長戰線指定龍口萊州當時外交部通告各交戰國之文書不能不稍爲含混其範圍但究竟有無憑據想外交部於劃定區域之後決不能無文書或口頭之通告於交戰國也現日兵在山東種種盜出範圍舉動前數日日兵已將濰縣車站占據徵之中外文字之記載如順天時報濟南特電日本在濟南僑民因第八聯隊將佔膠濟鐵路預備歡迎又北京英文日報所載日使以私人資格告我外交部表示其將占領膠濟鐵路此等雖新聞之言之而順天時報是何處之機關報必盡人而知北京英文報亦是外人所辦所載料非全屬子虛再據各方面報告日兵向西進行不止試問濰縣以西無一德兵日本不向目的地之膠州進行乃向濰縣以西究係何理以地理上觀之自萊州龍口登岸越平度而至膠州地勢

甚願並無德兵防阻日兵何不出此先時外交部之通告只准日兵在萊州龍口行動實不得已之辦法現日兵溢出範圍之舉動我外交部亦曾聞見否耶日兵若斯舉動其注意決非只膠州一地蓋將以山東全省爲其軍隊根據地爲第二之東三省也此等心理詭譎路人共見政府已通告于先日本竟有此等行動亦曾與之交涉否耶再此次山東方面日本兵隊固居多數然日本與英爲同盟國故日本於膠州舉動事前與英國商酌而後進行則日本現在在山東種種行動英國當然不能不分擔責任因其有連帶之關係也況英國對於歐洲戰事所以加入戰團者實係爲尊重比利時之中立且據英國首相在議會演說該國此次加入戰團並非他意實係爲尊重公法尊重人道尊重世界文明起見我輩向來對於英人此種主義即甚崇拜此次尤加欽佩乃不意該國在歐洲則行此主義在東方則以聯軍在我山東作種種破壞我中立舉動與其在歐洲行爲適相反對究竟係何道理我政府辦理交涉除對日本抗議外對於英國一面是否亦曾一開訊耶現在日本在山東地方種種不法行爲雖據該省一方面人民具有公呈惟因日本向來以文明國自命我輩對其此種情形固不敢遽信然現在具公呈人民之籍貫姓名及被害地方情形言之鑿鑿我政府究竟已有所聞否耶此種哀哀之呈訴政府已曾見之否耶雖云在戰爭地面之人民稍受損失固屬小事但不可不注意者爲此種舉動實爲不認我爲國家如果以平等國相待斷不出此而日英聯軍竟有此種舉動究竟是何居心耶猶惜去歲南京我國因平定內亂用兵之時有日人闖入戰綫被我軍誤傷日本遂要求將該管軍統免職

並使我素有名譽之軍隊向彼謝罪此並非重提舊怨誠以日本果稍有尊重中國國家之心即不應有如此舉動我政府果知有保護人民之責對於此種舉動即不能坐視故必須質問政府究竟曾知此事與否曾想有辦法與否又聞日本在山東會發行許多軍用票按各國在交戰時代於其暫時佔領之地可將本國種種強制力施行臨時貨幣今我對日本在山東不過因情勢之不得已暫行假道與彼究竟彼有何權利將此種紙幣強制發行究竟此種紙幣將來有無兌現之時回想從前日俄戰爭日本在奉天發行軍用鈔票五千餘萬後雖換成正金銀行兌換券實則一文不能兌換日本此種舉動實不費一錢使我中國物價騰貴生計恐慌試問我國民尙有知覺能否承認政府又能否袖手旁觀本席對於此種種非常懷疑且此種懷疑不只本席個人想國民全體亦當同此懷疑同此憤激若謂任人蹂躪無法抵抗在他人可作此言在政府當局諸人絕不能作此言以卸責本席意見一面質問政府請其將懷疑之點明白答復一面由本院斟酌建議催促政府進行且此次事情與日本交涉固爲重要而對於英國之舉動懷疑尤甚該國何以對於比利時之中立如彼對於中國中立如此政府對於日本實有抗議何以對於英國無之故一面質問政府一面將本院之主張請政府迅速進行以表示中國國家機關對於此事非常願負責任此次但得政府肯負責任本院代表民意機關無論如何必與政府一致倘政府辦事冷淡則專靠代表民意機關恐斷不能作事本席意見如此倘本院同人皆以爲然則應如何質問如何建議之處尙請大家討論

參政院之質問書。參政院於十月二日開會首由梁任公提議對於近今外交失宜日軍侵及中立地點並破壞中立舉動諸端應提出質問書要求大總統答復茲悉是日會議之結果已將質問書擬就當場通過於翌日咨交政府其質問書內容如下爲咨行事竊自歐洲戰禍發生我國遵國際通義宣告嚴正中立不幸而有青島之事遂成局部中立之狀態又未幾而戰線展開交戰區域不能不更爲遷就致有外交部劃定區域之通告當時我國民憂憤驚疑輿論幾逸出常軌嗣經大總統傳集本院同人諭以時局之艱使普勸國民忍辱負重而以折衝之任責諸政府本院同人以爲政府之外交當局者必能仰體大總統外顧邦交內全國體之盛意與各交戰國妥慎交涉無或隕越乃據近旬日來山東方面之情報有令同人等不得不深滋疑訝者其一聞日本軍隊已佔據濰縣車站且向西進行查外交部通告戰區僅限於龍口萊州及接連膠州灣附近各地方確實爲各交戰國軍隊必須行用至少之地點等因濰縣距膠州四百餘里非軍隊必須行用之地點其爲完全中立之地甚明今日軍忽有此舉究竟我國前次通告聞已經日本公使回文承認此次佔領濰縣以後我政府曾否向日政府提出抗議日政府作何答覆若彼不答復或答覆而不能使我國民滿意或答覆後而不實行我政府作何籌畫對待應請說明以釋民惑其二據某日順天時報所載濟南特電言該地日本僑民因第八聯隊將至豫備歡迎又前日英文北京日報有日使已向我外交部表示欲佔膠濟鐵路之意此等事是否屬實交戰目的地在青島何故日兵紛紛西嚮驟入濟青一帶我政府究竟有無聞見曾否向彼詰

青膠濟鐵路我國商股甚多安能視爲戰利品就令完全認爲德國國家產業試問日本能否佔據中國領土內之德國所有租界及已卸武裝之軍艦已經扣留之軍用品乎如其能之則英俄法德奧比各國何一不可在中國領土內自由行動此等舉措究爲尊重中立抑爲破壞中立我政府會否向日政府得有確實保證此後決無此等行動若其有之政府何以待之其三英國此次與德宣戰聲明爲扶助比利時中立起見故不惜犧牲全國金錢性命以赴之今青島之役明明爲英日聯軍與德交戰日本當局亦向議會宣明曾經與英國協商始行宣戰則一切舉動英國自不容不負連帶責任甚明何以在歐洲則極力尊重公法在中國則與日本同爲此破壞中立之舉我政府會否持此義與英政府抗議其經過交涉若何其四日軍所至往往有慘殺良民奸淫婦女之事本院同人夙仰日爲文明國原不肯輕信譚言乃據各該地人民公稟則被害人之姓名年歲籍貫及被害事由皆詳載鑿鑿我政府會否調查實情會否執言伸理若謂軍隊偶爾不慎無庸苛責則吾儕猶記去年我國南京平亂時日本商民有闖入戰綫誤被傷戕者日人嘗責我履行極難堪之義務今我爲顧全大局計萬分遷就許以假道可謂仁至義盡日軍果有此等舉動我政府會否與之嚴正交涉懲前毖後使我軍民之氣稍得平息其五聞日軍所至發行多數軍用鈔票日本究據何權利在我國境內強制行使此種無定值之貨幣若云有現可兌換現銀在何處兌換在何時猶記當日俄戰役時日人在奉天發行此項鈔票此後以正金銀行兌換券易之然至今正金券在東省者數千萬何嘗有一文直接兌換現實則布不

換紙幣於我境使我物價騰踊生計恐慌創鉅痛深於今爲烈此次山東復有此舉事前會否通告我政府發出之後我政府曾否過問本院同人之意謂宜與之嚴重交涉今軍隊採買物品皆用現銀若彼藉口於運送不便則其所發軍用票亦須指定數目先將同額之現金交與我政府以爲將來兌現之保證乃得發行以上諸端皆全國人民所共爲驚疑日來各地軍民因痛外交之失宜懼國亡之無日或設救亡敢死之團或倡排貨修怨之議有識之士日思所以節制之藉口嗟音始獲少安若外交當局不能以國權切實之保障明示吾民則疑憤所集萬一激成度外之舉動將何術以善其後本院代行立法院爲代表民意機關對於政局勢難緘默凡此各種疑義謹據約法第三十一條第八項及參政院議事規則第三十九條要求大總統答覆如此者、中國輿論、對於日德戰爭、有何觀念、對於我軍行動、有何感情、固不難推定、第日英政府、對德方針、早經確定、要在處分德國在魯權利、至爲明瞭、對於中國主權、何敢濫事破壞、乃如地方長官、各屬報館、明明誤解我心事、轉使兩國、一味敵視、爭勝於實力、則泰東局勢、發現無窮災殃、不惟中國一方面之深患也、所幸者中國當道、老成謀國、鎮靜處事、然對於我軍行動、勢不能全然任其自由、內則貽誤重要國事、外招敵國責言、故對於第一第二兩次抗議、極力促我回答、大要以山東鐵路、係屬中德合辦、中國政府、理當自行管理、交戰區域、截濰縣以東爲限、今我軍進出濰縣迤西、押收鐵路、明爲中立違反爲言、故日本政府、於十月二日、反覆

前議、再行說明、謂山東鐵路、全歸德國經營、中國政府、宣布交戰區域、與山東鐵路、各屬一問題、若放任山東鐵路、仍歸德國管理、明有碍我軍務、要而言之、德國經營山東鐵路、不殊德國政府、延長青島租界、故我國爲軍務起見、一時任其管理、係日德開戰上當然之結果、但日本政府、願念中日邦交、恐兩國國際間、或因之發生誤解、糾紛外交、故對於我軍行動、特發通牒、以重邦交等語、聞我國回答、大略如此、此後中國政府、如何應付之處、未悉其詳、唯中國政府、願全大局、不願執爭是非、激發事端、至十月六日、我軍進抵青州、乃復提出第三次抗議、十月七日、我軍前進濟南、乃提出第四次抗議、並對於我軍前進濰縣以西問題、以日英兩國共同任事之故、於十月十日、抗議英國政府、問其間接責任、極力維持中國中立、以防利權之旁落、務避對日對英激烈過當之舉措、以免時局之瓦解、推厥用意、一俟戰務了結之後、折衝樽俎、以期恢復既失之權利、遂將外交險象、消弭於無形之中、此間用意、委曲周到、不知煞費幾何心局、語云小不忍則破大謀、我儕不敏、於中國當道乎、深佩其好謀有成、對於中國人士、憂憤國事、督勵當路、相俱維持國務之摯熱、未嘗不惹起肅然崇敬之念、尙望憂時之士、平心靜氣、洞察事理、敬謹云爲、務期滌除誤解、冰釋疑憤、勿爲濫事譁張、無故貽誤邦交也、若夫關於中國維持中立、及劃定戰區等問題、則國際法上、多有物議、然事關國交、故不具論焉。

日本軍隊押收山東路鑛

日本軍隊、爲軍務起見、押收山東鐵路、特於十月二日、向中國政府、送達通牒、即日派遣軍隊、發濰縣進濟南、據七日報告云、我派遣軍之一部隊、於月之六日夜半、進抵濟南、即在該處、將機關車三十輛、客車約七百輛、歸我管理、嗣據精確調查、所有山東鐵路、運轉材料、歸我押收者、機關車計有三十七輛、客車貨車、計有九百七十二輛之多、至於嶺山及博山附近鑛山、數日以前、業經德人、自行破壞、唯坊子煤鑛、仍爲完全、嗣據十二日報告云、我軍主隊、於月之十日、進抵濟南、管理博山煤鑛、始知德人破壞該鑛、除將唧筒機械一部、運送別處外、其餘仍屬完好、隨時從事開採、毫無窒礙、此日我軍張店守備隊、亦特派支隊、押收金家鎮鐵鑛、十二日清晨、押收洪山金鑛、初德人遺棄博山煤鑛、實在該處、埋藏爆裂藥物、圖謀戕害我軍、幸經我軍窺破陰情、即行發開收拾、幸不致受毀害云。

日本海軍占領德屬亞爾特島

德國艦隊、潛伏於大洋洲殖民地內、攻剽敵國船艦、出沒隱見、險不可言、今日本政府、業與德

國宣戰、勢不能默視其無狀、不爲之處分、茲據十月三日報告云、日本艦隊一部、爲殲滅德艦、一掃各國障礙起見、重洋萬里、駛往麻紗兒羣島中之亞爾特島、衝其根據地、即派陸戰隊、破壞德國武備、押收武器子彈、德國官憲、事起意外、實力不逮、相顧失色、倉皇乞降、是以我國艦隊、未受何等抵抗、一氣壓伏德人、救回我國僑民塚村某於纜繼之中、並解放英國商船鹽修那號於押留之中、麻紗爾島者、位在東經百六十九度二分北緯六度八分、係環狀珊瑚礁、面積不過八十平方英里、德國政府、設立麻紗爾政廳、支配羣島之政治交通經濟各權、各種公共衙署、均經建設、並有絕大亞爾特公司、依德政府保護、掌攬羣島貿易全權云、按德屬羣島、散在大洋洲內者、曾經本報登錄、麻紗爾羣島、固不過么麼島嶼、羅列渺茫海洋中、然日本海軍、因抑制德國艦隊、長驅滄溟萬里之外、降伏敵人、振發國威、想我國勢民力、於最近將來、發展南溟、所有交通貿易、多見進步、不難設想、噫嘻德人桀驁、好釀事端、四面楚歌、連受他國征服、以致國勢急逼、失權相繼、使光彩陸離之軍國主義、俄然誤其國事焉、孰之過也哉。

日英兵艦擊壞德軍砲台之一部

十月十四日、上午我軍第二戰隊之一部、與英國兵艦、聯絡游弋、進抵大公島迤北之洋面、狂擊

伊爾基斯及灰泉角德軍炮臺、破壞其一部、彼時我軍航空機、亦翱翔灰泉角炮臺上、正在彼我酣戰之際、投下爆彈、並觀測我軍炮擊之效果、是役英國兵艦、誤受敵彈、一人殞命、二人負傷、我軍幸得無事云。

歐羅巴方面之部

歐陸戰雲之暗澹

歐陸戰雲、密布四塞、霧霧陣陣、不見天日、惟夫兩面大軍、一進一退、互保接觸、未及發顯震天動地之大活劇、而數百萬大軍、各據堅陣、漸形曠日瀰久之勢、遂使空前大亂、何時一決勝負、於今不能認識一線光明也、初德國皇帝、猛攻法軍、大聲鼓勵六師、指天期功三箭、暗啞叱咤、破比衝法、麻爾弩河畔、追擊聯合軍、壓迫諸巴里維爾丹迤南一帶、勢將其主力粉碎、決勝於呼吸、猛氣席卷歐陸、權執列強牛耳、殆非至難、無奈德國作戰、諸多遺算、大軍深入敵地、四面受敵、形勢忽變、又遭聯合諸軍、捲土重來、遽致攻守異地、據最近消息云、德軍右翼、兵力單薄、相機却步、中央皇儲軍、亦忽瀕於危險、全線敗退、壯圖一蹶、不復振矣、蓋德國皇帝、接到東方俄軍、大舉入寇、填軍敗績之報、異常焦灼、力圖救援、大割西部兵力、自釀破綻、加以大軍長驅、軍馬虺隤、接濟不靈、軍械糧餉、均告空乏、遂致德軍銳氣、咄嗟銷沈、引兵遠退、自守法比國疆、洵非戰之罪也、唯夫德軍退却、出自適宜作戰計畫、固非刀折矢盡、諸路敗績、

全軍忽歸瓦裂、是以德軍退却、亦能統率大軍、將次避回敵鋒、聯軍亦未能蕩然突擊、粉碎德軍、邇來兩面軍隊、在法比國境一帶、各自高壘深壕、相持不下、以現狀推之、兩軍決戰、大定輸贏、殆非易事、亦爲不得已之勢也、吁嗟德軍素思、何曾不在猛然擊破聯軍、然後旋師與俄決戰、以博大捷而握霸權、乃今則聯軍兵力、異常雄厚、德軍進擊、恐難遽博捷仗、願視奧國軍狀、屢受俄軍痛擊、連戰連敗、國勢淒夷、誠非俄國敵手、西列西亞方面、殆難攔阻俄軍之猛進、德國東邊軍務、萬分吃緊、險象日加、是以德國政府、驅國內老幼、從事疆場、現有三十四軍團、西向攻法、另有十六軍團、東與俄對峙、通國壯丁、齡自十八歲、至四十五歲者、盡數從戎、若遇邊軍失利、兵力覺薄、則德軍實行補充、最難爲力、外則東西敵軍、勢威日增、內則物情騰沸、怨嗟漸盛、遂使德國人心、喜悲交變、自憐其前途、良有以也、嗚呼德國皇帝、固屬一代奇傑、主宰德國聯邦、尊崇軍國主義、舉凡政務軍務外交經濟諸務、獨出心裁、登動列強、以在歐後起之勁、急起直追、赫然露出頭角、此次親躬醞釀歐亞大亂、苦惱聯合大軍、非有具備天縱雄資、恐不至此、唯夫資性勇邁、雄圖勃勃、先兵後德、自居公敵地位、招列強嚇怒、一旦軍興、勝算有虧、環疆大軍、勢陷保守、德國前途之敗狀、殆難爲諱、矯矯德軍、何時再起突擊聯軍、法比方面、太軍持久之計、能得支持幾日、均屬未可知之數也。

聯合軍追擊德軍於耶斯奴河畔

德軍諸路却步、九月十三日、駐紮阿密安之德軍一隊、退向東方、第一第二第三軍、退保索阿孫、蘭奴地方、第四第五軍、仍在紗倫及其東方、與聯軍抗敵、至於聯軍方面、在乎維爾丹暨昆皮耶紐一帶地方、與德軍互保接觸、以追擊德軍於耶斯奴河畔、然未至覆滅德國大軍也、先是比國野戰五師團、應援聯合軍、爲進擊德軍於魯盤、麻林、布拉塞爾三角形地帶內起見、由安府拔隊進發、接報之下、德國軍隊、集合多兵、力圖邀擊、比軍察知衆寡不敵、再向安府退却、以免孤籌一擲之危險。

德軍保守陣地之堅實

德軍退保後方陣地、着着按照預定行動、維持其秩序、運用大軍、未必失其機宜、而聯軍隨在追擊德軍、亦未能擊碎其主力、一如德軍前次進攻聯軍、不能沖突其中堅主力也、故自九月初起、仍不至發現絕大戰局、所有德軍、且戰且退、在在發顯激烈之小衝突、至德軍防禦情形、頗能占確實地步、例如紗倫陣地、深穿塹壕、約一米當許、每二十米當、築造障壁、以防敵彈、隨處鑿

開地窖、貯藏軍需各物、在其背後、施設堅牢防禦工程、隱匿多數榴彈砲、屢次猛擊聯軍、並爭奇功於夜襲、頑然對抗、其勢不可輕侮云。

德軍對抗聯合軍勢無大逕庭

據九月二十三日、英國官設通信局報告云、最近數日以內之戰圍、常以炮擊、相爲始終、此間我英國軍隊、徐徐前進、占領陣地、唯敵軍屢次強行逆襲、多生死傷、血肉橫飛、極爲悽慘、英軍損害、實匪輕微、而德軍慘狀、有更甚者焉、至於法國軍隊、左右兩翼、均占地步、如某村落、始則聯軍占領之、中則德軍奪取之、終則又歸聯軍占領、彼我兩軍、奪圍甚努、伏屍狼藉、慘無天日、試檢德軍俘虜、大抵隸屬後備役戰員、德軍補充兵員、非常困難、略可窺一斑也、更檢敵軍塹壕、多沿蒼鬱樹林之背、巧妙築設、自外部望見、實難窺破、隨在敷設鐵絲網鹿柴等物、防禦甚爲周到、設論炮槍効力、德軍槍枝、及機關銃之威力、極爲顯著、然如我軍重炮、及榴彈炮、著彈距離、非常廣遠、能遙擊前面溪谷間之敵陣、掃蕩其全軍云云、唯綜合各種情報、德軍全線、占領鞏固陣地、漸與聯合軍抗敵、勢發現陣地戰之狀態、九月二十日、英法聯合軍、實用其優秀兵力、擬從昆皮耶紐西北、圍攻德軍右翼、德軍察知敵情、趕派大兵、迅圖應付、集合駐紮比國

一軍團、駐紮謨布基一軍團、並阿爾撒斯羅連方面之五軍團、及本國派來之一軍團、以資應戰、而聯合軍、亦雄厚左翼兵力、互爲拮抗、彼此不多見遜色云、抑德國政府、受敵東西、分其大軍、從事攻守、從埃軍失敗以來、德國形勢、遽陷不利、舉其五十軍團、以當東西敵國、以大勢論之、德國兵力、已形空乏、恐無精兵銳卒、爲之後盾也、故九月廿日以來、德軍方面、一時停止輸送、懸賞招募壯丁、許可外人從軍、國內重要都府、多用義勇兵、充任其守備、軍餉亦漸短絀、德國窮狀、彰彰若揭、至於聯合軍方面、各國兵力、將次增衍、舉英法大兵、迫壓德軍、雖不能急遽進擊、速行決戰、然維持現狀、徐候機會、確有餘力、宜夫聯合諸軍、始終維持樂觀態度、屬望於德國窮困之一日也、雖然刻下德軍、防禦東西國疆、拮抗對峙、未至十分暴露敗兆、尙持乘機擊敵之勢、遂使東西敵軍、未能侵入德國境內焉者、則德國所以爲德國也歟。

德國攻法陸軍之陣地

德軍自法退却、保持法比國疆、以資攻守、將來戰局、如何發展、刻難摸索、試將九月二十二二日間德軍陣地、分別登載、如左

(一) 第一軍、駐在昆皮耶紐至索阿孫一帶、隔耶斯怒河、與法軍對峙。

- (二) 第二軍、駐在索阿孫至蘭斯一帶、與築障地於耶斯奴北岸。
 - (三) 第三軍、及第四軍、在乎培恩及素完並阿爾貝奴森林間、占領障地。
 - (四) 第五軍、最近時、從滋利窩克爾退却、在乎維爾丹阿爾貝奴森林中間、構成障地。
 - (五) 最左翼、在乎阿爾撒斯羅連二州、占領障地。
- 德國佈置諸軍、以抗聯軍、大略如上所述、日夕戰鬪、概無寧日、試據最近報告稱、耶斯奴河戰鬪、未至發顯兩軍決戰、邇來法德大軍、在乎法比國疆附近、各持鞏固障地、勢同要塞戰、所有戰鬪、有時演出慘劇、亦不過爲局部戰鬪、而兩軍精銳、各竭盡死力、從事於鬪鬪、彼此死傷、爲數蓋非鮮少云。

德法諸軍錯雜糾紛之戰鬪

自九月下浣以來、德法英諸軍、各據其障地、蜿蜒聯亘、隨處開始激烈戰鬪、德軍右翼、集合大兵、痛擊法軍、頗博捷仗、維爾丹迤南之散密耶爾堡壘、歸德軍占領、麻斯及孫謨地方、德法兩軍、颯爽酣戰、勝敗未決、法軍在德維附近者、擊破德軍、南綏及滋爾法軍、亦擊破德軍、維爾丹南方德軍、占領謨斯河對岸、二十四日、譚愛容法軍最左翼前衛、戰敗退却、嗣得有力援軍、

猛烈逆擊德軍、至耶斯奴北岸軍情、及阿爾良迤東窪連戰線、尙無變化、謨斯右岸法軍、維持維爾丹南方之高地、哈頓紗鐵爾附近地方、仍歸德軍占領、此外散西耶爾方面之德軍、砲擊列巴維謝及甘布迭羅曼、但未能渡涉謨斯河、進擊聯軍、於是法國軍隊、從滋爾南綫、向北進擊、該處德軍、向基窩克爾地方退却、二十六日、德軍右翼、更又增添兵力、猛擊法軍而不和、要而言之、德軍志望、尚在舉其優秀石翼軍、圍攻法軍左翼、並擊攻滋爾維爾丹要塞地帶、以資戰局之發展、而仍無功驗也。

法德方面戰局之固定

法德兩軍、對峙於法比國境、兩面形勢、未現變化、自維爾丹而蘭斯而耶斯奴河岸而窩阿斯河而至法比國境、兩軍全線、各築造堅牢陣地、一進一退、互事激鬪、仍未能踴躍決戰、爭其勝負、唯英法聯軍、將其雄厚兵力、追擊德軍、進抵國境、把持攻勢防禦之勢、以牽制前面德國大軍、縱使英法諸軍、不能猝起進擊德軍、然德軍、亦不能割其一兵、以救援東方、則德國對俄軍務之日瀕危殆、爲英法聯軍者、或應有乘德國危難、猛烈制勝之一日也歟、翻觀聯軍方面、各處防禦、異常堅實、兵力日加、德軍破法向俄之計、全歸畫餅、而東方俄患、譬猶春水日長、溝渰皆盈、

俄國基林斯基軍主力、漸迫國境、東部普魯西喀利西亞維斯丑拉各處軍情、益告危急、腹背皆敵、左右兩難、德軍形勢、逐日呈露險象、而國內兵力、已不堪陸續召募、此非德國所以能得觀望形勢、以逸待勞之時機也、於是乎、德國皇帝、奮勇鼓氣、遽飭攻法諸軍、激烈進擊、乃分全線、劃爲三段、一段則圍攻維爾丹、以擊破聯軍右翼之樞軸、二段則突擊拉西尼、破壞兩軍對峙之中央要地、三段則進擊聯合軍最左翼、攻陷阿拉附近、是爲德軍近時孤注一擲之作戰計畫也、德軍已決其方略、即自九月二十二日起、猛然開始活動、首先痛擊維爾丹東南地區、二十五日、占領散密耶爾暨特羅伊容、未幾旋爲法軍擊退、於焉逆擊奇襲、不分晝夜、戰鬪甚爲激烈、然圍攻維爾丹之計、遂不見奏功、其餘兩段戰鬪、亦無大效、二十六七兩日、全線又開始總攻擊、奮勇進擊、能堪苦戰、據法軍公報云、此次德軍猛攻、從來不見其比、蓋因德軍總司令官、決意奮戰、立爭勝負之所致、當時德軍公報云、德軍損害、至九月二十七日爲止、計有十萬四千五百八十九人、內陣亡一萬五千六百七十四人、負傷六萬五千九百人、不知行踪者、二萬三千零七人、試將本公報所載之額數、比較諸二十三日公報、德軍損害、俄然增衍四萬一千百二十二、此數實係此次總攻擊之犧牲、則全線戰鬪、略無戰勝可觀、可想而知也、至聯合軍損害、未經詳細報告、然聯合諸軍、根據堅陣、邀擊德軍、挫其銳鋒、死傷之數、斷不在德軍之上、不難設想也、卒之

法德兩軍、勢力伯仲、軍容相類、所謂兩虎相鬪、勢不俱生者歟、雖然法德諸軍、自維持國境以來、兩兩對峙、業經多日、葦葦焉築造障地、以戰況論之、兩軍形勢、易於守、難於攻、攻者多受損害、勢所必至、此聯各軍、固得十分利益、而德軍進攻、益加其難、甚爲明瞭、然則德國陸軍、雖謂精銳夙鳴、不負爲世界強國之巨擘、然使英法諸邦、環疆攻德、增添精兵、充牣軍實、不肯遽行議和、堅忍苦難、維持戰線、幸無大過、則德國前途之窮、殆屬意中事也。

德軍攻陷比國安都窪布

初德國大軍、猛攻比法、長驅侵入法國、比軍衆寡不敵、諸路精兵、吞恨忍痛、退保安都窪布、八月下澣以來、比法兩國之聯絡、忽爲德軍所截斷、乃相機力圖脅迫德軍背後、所可惜者、比國國小兵寡、精銳就緒、用武無術、自九月十三日起、遂爲德國多兵所迫壓、安都窪布要塞、勢成孤立、十九日德軍爲粉碎安府要塞、滅絕後路患害起見、派出豫備後備三軍團、進攻安府、當是時安府運命、不絕如縷、兩旬之間、炮擊益急、比軍日夜不得休息、如三十日、德軍全線、突擊窪布爾散略送利奴炮壘、比軍善戰、炮擊達旦、十月一日清晨、有德軍炮隊、白日肉薄要塞、取膽力攻、全隊殲滅、尙無所顧忌、烈擊痛攻、不稍弛懈、頻陷要塞前面之外堡支堡及中間堡、再

接再萬、晝夜猛擊利路、哥寧克列約伊克、窪布爾散喀送利奴、窪爾里謨諸壘、二日清晨、又痛擊喀送利奴、盡被比軍擊退、蓋歐亂伊始、比人首躍德軍毒刃、痛恨填胸、悲憤徹骨、童僕婦孺、咸知一死護國、雖以德軍雷霆之火力、遂不能奪其殊死力守之志、於是德軍代謝生兵、屢迫涅特河、強行渡涉、亦爲比軍痛勦、三日下午、德軍架橋於維爾很附近、擬驅密集縱隊、轟然突進、亦爲比炮轟擊、軍橋飛散、大軍覆溺、德軍壯圖、忽歸泡影、無奈德軍、一氣猛攻、稍無間斷、巨炮威力、一甚一日、七日安府東南炮壘、全被擊壞、德軍即時進攻比塞第二防禦線、比國政府、移挪機關於窩斯典土、全城賭死防戰、此日上午七時半、有德軍一將校、手持白旗、進入安府、特行聲明、自九時半起、轟擊安府、德軍巨炮、聲震天地、滿部慘狀、不堪言說、初德軍擄作四十二瓏巨炮、粉碎李耶基要塞、此炮現運到安府、轟擊街衢、振其絕大破壞力、層樓傑閣、轟然塌壞、無物堪其威力、仰觀天空、滋耶培林航空機旌、縱橫翱翔頭上、紛紛拋擲爆彈、每彈能壓殺居民十數人、未幾德軍炮彈、連擊安府油槽、爆發數槽、巨火繁起、烈焰灼見五十英里外、唯見德軍巨彈、縱裂橫炸、異響擊耳鼓、炮煙與沙塵、濛濛掩空而上、慘毒淒酸、真有天地滅裂之概、雖以比軍殉國擊誠、萬死固守殘壘、然德軍猛火、益加激烈、全都損害、不堪收拾、而比軍抵抗力、漸歸喪失、迄至九日清晨、安府形勢、俄呈險象、維持絕望、滿都比人、痛恨泣哭、自碎炮壘、所有

比軍及英兵八千、遺棄安府、向憂安及窩斯典土退卻、洵出於不得已也、中有英兵一協、搭乘火車、安抵窩市、別有英兵二千餘人、在乎羅凱連北部、爲德軍攔阻、即轉退路、奔於和蘭、解其武裝、城陷、比人投降德軍者甚罕、按聶爾比國、以中立國寡兵、堅守孤城、力抗德國大軍、屢使鬼神、泣其壯烈勇武、戰雖不利、尙有餘光、所望者聯合諸軍、迅速擊退德軍、使璀璨比國、恢復舊規、保有陸離美譽於千萬世、此豈爲二三與國人之私願乎、今則比國堅塞、相繼陷落、德軍奄有比土、攻法德軍、背後險象、掃蕩一空、比國疆內、竟無敵人阻碍德軍行動者、德軍戰務、得有絕大利便、不言而喻、唯夫比國領土、歸於德軍占領與否、於歐戰大局、恐無至要影響、亦衆目所一其致也。

俄德方面之戰況

俄德戰況、日久未有絕大進境、刻下俄國主力基林斯幾軍團、集中窪爾索附近、推厥作戰方針、意在進擊德國修列基盟、如東普魯西地方、恐非俄德主要交戰地域也、但東普地方、延長於俄國方面、曾經俄國列涅甘布軍之侵擊、嗣由德軍、激烈擊退、兩軍各在國境、相爲對峙、試就該處形勢論之、東普地方、土地險惡、堅壘密布、殆非俄軍侵德之通路、然而德軍所以嚴守東普者、一則防

禦前面俄軍之侵擊、一則牽制修列基臘方面俄軍之入疆、利害重大、影響匪細、查九月中葉、有德國六軍團及騎兵四五師團、前進於諾爾與培爾克、哥爾達布、斯窪爾基地方、激烈行動、擊退俄軍於基爾悉特、皮利喀連、喀爾窪里地方、此間德軍一部、占領維連堡、奈奧堡索爾達一帶、以掩護東普軍側背、用其左翼、根據於凱尼斯堡大要塞及沼澤地方、巧制地利、與俄國列涅甘布軍對峙、並脅迫俄國窪爾索軍右側方面、防阻其進軍、邇來東普德軍、漸次侵入俄境、俄國列涅布軍、既受德軍痛擊、引兵脫險、退保後方陣地、極力恢復其士氣、九月二十七日以來、再取攻擊、猛擊德軍、屢放飛機、偵察敵情、縱橫奮迅、突其主力、十月三日、俄軍奪還麻利安坡爾、阿武克斯特諸地、德軍各隊、殲滅相繼、死傷極多、遺棄無數砲槍軍需各物、退保國疆、即添派凱尼斯堡援兵、竭力防杜俄軍之前進、獨於維爾基坡羅及巴喀拉爾基窩附近、時時進擊俄軍、大抵東普全線、俄軍威力、日加其重、德軍防戰甚苦、月之六日、德軍維持自哥武諾西方烏拉基斯拉窩夫、至斯窪爾基西南尼基亞加之一帶、七日清晨、俄軍圍攻德軍兩翼、繼突擊以突擊、將次占領利克及阿拉等處、是役俄國窩列克昆斯達基太公、充為騎兵先鋒、縱橫驅逐德軍、嗣遭兩軍騎兵、開始激烈遭遇戰、大公挺身冒險、突入德軍陣內、大破德軍、不幸負傷陣亡、太公若斯、俄軍將卒、奮激離戰、一般士氣、尤為旺盛、不可當云。

俄奧戰況不利於奧國

奧國軍務、苦窳陋劣、人無同心、此次任意激發歐洲亂端、忽受俄國之痛擊、喀利西亞地方、連戰皆敗、不但奧國存亡、岌岌可危、且使德國作戰、忽陷窮地、破其大謀、可憫孰甚焉、初奧軍主力、進出波蘭魯布林、哥爾謨地方、阻止俄軍之侵入、唯奧國軍隊、固非俄軍敵手、僅恃德軍後援、故能敢膽侵入俄國、自蹈虎尾、嗣值德軍攻法作戰、俄生齟齬、大兵環疆、毫無進境、於是德軍東向援奧之計已阻、而俄國軍容、着着充實、大有水長船高之勢、是以奧俄開戰、奧國諸軍、一敗塗地、收拾不易、加以奧國老帝、玉體違和、邦家前途、頗呈險象、以致德國東南之患、日深一日、德奧厄難、豈有窮紀哉、先是俄國魯斯賤軍、占領列謨培爾克、痛擊奧軍、突破其中央、追北突進德羅賓及夫蘭坡爾地方、以兩斷奧軍、並由南東、進迫奧軍、擊潰其右翼於特麻西窩、包擊左翼於克拉斯尼克、因之奧軍一部、自陷死地、極力逆襲俄軍、亦爲其所痛勦、俄軍乘勢前進、席卷喀利西亞、連戰一十有七日、奧國諸軍、窘縮於撒安河畔、三面受敵、創痍劇甚、全軍殆失其戰鬥力、是役奧國兵力、有步兵四十鎮、騎兵十一鎮、德兵若干人、共計算一百萬人、備炮二千門、據俄國公報、奧軍死傷二十萬、俘虜十萬、大炮四百餘門、及無數軍需、皆被齒獲、噫亦鉅創矣哉、


俄國已破塙軍、乘勝追擊甚急、九月二十二日、攻陷亞羅斯羅要塞、二十三日、占領特布羅密爾基路夫、又由布爾些密斯爾南方、壓倒塙軍、並由魯舍索及蘭基特方面、南向急擊、以圍攻塙國布爾些密斯要塞、又在魯舍索迤西、則向西南進軍、在該處東南、則由散坡爾、特魯和皮夫、特利那方面、西向進擊、別有騎兵一隊、踰越喀爾巴田山脈、因之塙軍行動、全失自如、以現狀推之、德國援軍、不知何日能東向救塙、塙國朝野、疑懼失措、顧視其軍情、略無實力可阻碍俄軍、坐使俄軍侵入修列基鹽之計、一掃其障碍、不亦悲乎。

俄德兩軍戰機漸熟

塙國喀利西亞地方、爲俄軍所蹂躪、塙國對俄計畫、殆歸畫餅、而東普方面、俄將列涅甘布、將次侵入德疆、致東方德軍、南北受敵、俄軍中央主力基林斯基大軍團、突進德境、壓迫德軍主力於修列基鹽之計、早成確定不變之勢、此非德皇所得坐視也、德皇已知塙軍羸弱、不堪倚賴、乃爲鼓勵德塙聯合軍起見、一時進大騷於布列斯羅、對於重要統兵官長、遽行薦剗、簡拔參謀官列滋少將、爲東方軍務主幹、使參謀總長謨爾持凱將軍、仍駐魯克鮮布爾克、指揮西方德軍、舉東普德軍司令官芬迭布爾克將軍、充爲對俄總司令官、舉基培爾士將軍、繼芬將軍之後、頗能整頓對俄

軍容、據情報云、德國對俄兵力、由常備九師團、(即第一第十七第二十軍團及第十二第十九軍團之一部) 豫備十四師團、其他約六師團、後備第四第九第十八軍團、組織而成、奧國野戰兵力、有常備三十二師團、特設十二師團、及二十六旅團、合計六十一師團、此內有奧軍十師團、與塞軍對抗、二師團與意軍對抗、故德奧對俄兵力、略算七十八師團、唯奧國軍隊、曩在列謨培爾克、及魯布林地方敗績者、負有鉅創、現時實力、如何減退、尙不在精查之中也、至於俄軍兵力、查核實難、未悉確數、然據諸種情報、及平時軍備推算之、至少用一百師團、似乎無大差、將來俄德戰事、如何發展、尤屬饒有趣味之問題、若論俄德軍兵之優劣、一長一短、互有出入、未易一幷概論、然以兩國軍務大勢論之、俄國軍兵、能堪苦戰、多富持久力、百萬大軍、次第增衍、則俄軍行動雖屬遲遲、然一切進行、頗推堅實、兼以德軍西向攻法、而英法聯軍、維持現狀、堅誠輕舉妄動、德軍既不能進而擊破英法、又不能退而救埃攻俄、則如西方德軍、攻陷安府、固未足左右東西戰務之大勢、可概見也、蓋最近東方戰局中、尤有刮目之價值者、爲波蘭地方俄德兩軍之活動、現下東普並喀利西亞方面、均受俄軍痛擊、俄軍行動、長足進步、據九月二十九日電云、俄國皇帝、親進大鱷於達爾索、最近時、將其第一前線、前進於窩索耶滋地方、親犒勞野戰將卒、德國皇帝、亦親幸添布列斯羅地方、鼓舞全軍士氣、所有德軍全線、亦皆占領鞏固陣地、汲汲準備戰務、以

資防禦、迄至十月初旬、俄軍進擊德軍、頻博捷仗、對於侵入波蘭斯爾畿之德軍中堅、激烈突擊、擊退諸沼澤地方、奪獲德炮若干門、又對奧俄軍、向克拉哥前進、並有多數俄軍、為侵入西列西亞起見、經由波蘭、秩秩前進、十月三日、擊潰德軍於窩克斯德、德軍退保東普魯境、蒙軍事專門家之言云、此次俄德國境戰役、實歸俄軍大捷、蓋德軍就熟路取攻勢、以大約相如之兵數、與俄軍接仗、每戰不利、喪失多數兵力、不但兩軍勝敗、略可窺其一斑、且西列西亞戰局、發生絕大影響、勢所必至、聞德國皇帝、為鼓勵對俄德軍起見、前來德潤地方、忽聽德軍敗耗、俄然返駕於法疆方面、月之十日、俄軍、於東普魯境、連續追擊德軍、占領利克、鹵獲德兵一萬人、及多數大砲、並占領東普魯爾克拉坡、嗣據俄軍對奧軍方面報告云、現時俄軍為應付德奧軍起見、集中兵力於波蘭頓斯丑拉、近頃伊完哥羅、及窪爾索間兩軍、發現激烈攻城戰、此外利克及亞羅斯羅地方、激戰相繼、布爾些密斯爾地方、奧軍勢力、稍形恢復、而奧國國都、日夜督勵防禦工程、禁止居民、防其離析、以備不測、此為十月十五日以前德國東普方面、及奧國對俄情形之梗概也。



2.82

